

四庫全書

集部

欽定四庫全書

集部

宛陵羣英集卷一
三

詳校官通政使臣夢吉

助教臣常循覆勘

謄錄貢生臣王兆泰

謄錄監生臣李光緒

謄錄監生臣陳祁

欽定四庫全書

集部八

提要

宛陵羣英集十二卷

總集類

臣等謹案宛陵羣英集十二卷元汪澤民張師愚同編澤民字叔志婺源人延祐戊午進士授承事郎同知岳州路平江州事歷南安信州兩總管府推官以母憂歸服除補平江路總管府推官調濟寧路兗州知州至正三

年召為國子司業與修三史書成遷集賢直
學士尋以禮部尚書致仕居宣城自號堪老
真逸十五年長槍賊陷寧國被執不屈罵賊
死年七十贈江浙行中書省左丞追封譙國
郡公謚文節師愚字仲愚寧國人曾兩領延
祐天歷鄉薦與澤民友善江南通志稱其嘗
撰梅堯臣年譜然年譜乃其弟師曾所撰已
別著錄以為師愚者悞也是編蓋澤民晚居

宣城時所輯上自宋初下迄元代得詩一千三百九十三首分古今體訂為二十八卷同里施璇為鋟板以行其後久佚不傳故寧國宣城二志載籍門內均不著其目今核永樂大典各韻內所錄此集之詩共得七百四十六首作者一百二十九人視原本猶存十之五六中如玉圭等七十餘人載於宣城舊志文苑傳者其遺編往往藉此以見又如梅鼎祚

宛雅所錄諸家佚句以為原詩散亡者今其
全什亦多見集中宋元著作放失者多此集
雖僅一鄉歌詠亦可云文獻之徵矣謹裒集
校定釐為十二卷凡其人之爵里事蹟有可
考者俱補註於姓名之下不可考者闕之其
永樂大典原本失載人名無可參補者則仍
分類附錄於後以待審訂焉乾隆四十六年

三月恭校上

總纂官臣紀昀臣陸錫熊臣孫士毅

總校官臣陸費墀

原序

詩所以咏情性而本乎風教之盛衰其體固有古近之殊求之六義一也宛陵為江左大藩文風之盛蓋久矣世遠而辭不傳宗太平興國中少卿李公以文學顯繼而侍讀梅公以詩名當世搜訪所作皆僅餘數篇侍讀從予都官聖俞則尤大昭著者幸其集獨存學宮歲月寢深後之篇詠益復放失可不惜哉里中施璇明叔昆弟敦尚文墨迺請于余偕張仲淵編輯李少卿而下詩

逮乎今日凡得一千三百九十三首分古今體繕寫為二十八卷題曰宛陵羣英集鋟板而傳之都官詩則不復載焉余嘗怪世之昧者徃徃易視乎詩不知其關政教非小也是故風雅之作媿惡具存感發懲創並行不悖今是編雖不越乎宛陵然一邦之政教得失于焉可考矣采詩者覽之亦將有所取云至正初元歲在辛巳

正月丙子新安汪澤民序

宛陵山水之勝聞於東南人生其間必有魁竒秀偉之

士發于咏歌亦必清麗典雅播當時而傳後世由宋以
來有少卿李公侍讀梅公公之姪都官先生洎施景仁
周少隱諸人彬彬彰甚余嘗欲萃輯衆作而因循不暇
一日里人施璇明叔率諸弟來請曰吾宣詩人之集不
少年代浸遠散渙無統淪亡者衆矣今不輯懼久而益
泯使後世無聞焉非所以尊先達勵後進願子輯諸家
之長為一編吾將刻之梓以久其傳豈不偉歟余固辭
不獲乃與吾友汪氏叔志上取宋初迨于今日凡宣之

士所作諸體詩摘其警策者類分而臚列之凡二十八
卷名曰宛陵羣英集都官詩則有宛陵先生集刻本于
學宮茲不復載若夫采錄未盡及繼今有作將俟續刊
之云至正元年歲在辛巳春正月丙子宣城張師愚叙

欽定四庫全書

宛陵羣英集卷一

元汪澤民張師愚同編

古體

四言

五言

宋

陳天麟

案天麟字季陵紹興中進士累官集賢殿修撰嘗編易三傳及西漢南北史左氏微

郊等書所著曰
櫻寧居士集

青山辭

青山崔崔白雲溶溶我疑其中仙人所宮風馬雲輿霓

旌羽幢游行太空翩然相從望而不見使我心忡我本
金華牧羊之童口誦蕊笈有聲如鐘震撼巖壑無礙不
通謫居下土黃塵濛濛五色之氣布滿西東秋高露清
陟彼危峯呼吸元氣精神內融嘯傲萬物後天而終

梅詢

案詢字昌言瑞拱中進士及第歷翰林侍讀
學士遷給事中出知許州卒歐陽修志其墓

所著集二十卷王安國叙之編
修陳天慶為撰年譜宋史有傳

呼猿洞

古洞呼白猿寂歷不知處風激石上泉僧疑月中樹微

茫認松雪髣髴橫樵路空望增爾思蒼蒼奈烟霧

曲水亭

鶴髮山人疏泉鑿幽石如憑青玉案分遞白雲液冷
泠濺雕俎瑟瑟穿吟席醉坐三伏中煩襟自消釋

李兼

案兼字益達孝先曾孫博學工詩楊萬里推許之出知台州居官有守既卒吏民為之巷

哭罷市所著
有雪巖集

寄題愚齋

巧鬻非善賈利獲非良農君子不自智甘與庸人同天

欽定四庫全書

宛陵厚英集
卷一

三

君見獨者進退有新功忽斂藝文手反著懷袖中客問
以臆對此說非易窮吾非寧武子今學北山翁

奉陪櫻寧侍郎遊栢山寺謁梅公墓小憇行軒
勉酌

蕭寺倚巖郭昔遊幾何年茲辰愜幽賞杖屨從儒先稍
穿蒼蘚徑旋入青蘿烟山色若倒屣松風自鳴絃目力
眩竒觀步屨信所便俄登旃檀林金碧耀脩緣道旁老
木拱詩翁久飛仙蟬蛻萬物表蝶夢三生前至今二百

載相望箕斗懸緬懷文忠公豐碑泯遺鑄樂善如緇衣
後世兩稱賢山僧矜好事華表新題璇向來委榛棘時

情任渠遷

原註時使君來奠梅公墓
下山僧始為立華表故云

先生笑撫掌此事

從古然相逢一樽酒勸君小流連江梅欲浮動春光向
妖妍同遊二三子春容有佳篇歸歟不知夜霜雪淨寒
天

元

王璋

案璋字敬
叔圭之弟

題叢隱軒

吳寬居所居燕坐之處有老桂臨牕最為嘉
樹踈齋取招隱士首句名其軒曰叢隱分韻

賦詩得生字

棧棧曷可棲采采祗暫榮連蜷此嘉樹璀璨敷珠英翩
翩佳公子遼遼懷古情植之軒楹間氣欲千巖并玄冬
無零葉長夏有餘清天風發幽香好鳥枝間鳴雖乏貞
松姿歲寒未渝盟何必澗谷居而後可逃名長歌小山

詞吾亦得此生

夏謹齋總管開南陵柳家港諸人賦詩要僕同

賦

五行水潤下可導不可障
孟軻譏鄰壑
蔣桓禁曲防李
冰鑿離堆江水得安行
栖筠散磨礧
鄭白復其常懷哉
賢牧心千載遙相望
弋江經陽穀壅利資豪強
吾侯一
疏鑿二邑免懷襄
襁春耕遂黍稌
秋風香功因地利
致惠與江流長
為公賦臨河維以比甘棠

梅叔章自安慶歸和盧疎齋次陶詩韻余亦就

答

昔別趨上都今歸自舒州方尋歲寒盟而與靜者儔論
詩精神契話舊歲月流嗟我獨何為閉門治幽憂豈無
一杯酒不得同獻酬虛蒙瓊琚贈自愧吾何修

汪銖

按銖鑫
之弟

寄徐冰壑

空谷有佳人遠在天一方大壑渺江海高寒逼風霜炯

炯冰玉壺粲粲雲漢章敬亭有閒雲孤飛吳山旁脉脉
一水隔落落參與商褰裳欲從之羽短川陸長懷哉耿
不寐明月共夜光何當脫埃塵從子冰雪鄉

梅德明

案德明宋都官員外郎堯臣
之後續學工詩見稱於世

遊永慶寺

尋幽扣禪關春意良可掬修竹照清溪珍禽響佳木瀟
灑詩境偏往來幽徑熟不見松風亭落花空蕪蕪

九日登敬亭西峯分韻得無字

素秋脩云暮佳節孰與娛良朋念幽獨折簡煩相呼謂
言西峯勝日晏不憚迂追隨向林麓先後雜樵蕚攝衣
臨莽蒼捫蘿歷崎嶇絕頂平且衍極目楚與吳連綿羣
山羅縹緲飛雲孤採彼巖下菊酌此山中壺神交企往
哲得意心自愉笑我塵寰客此樂還有無

下嶺分得羣字

復下丹梯來似失飛仙羣嵐翠漸相遠泉流喜重聞
茨居憇落景菊觴繼餘醺晚景矚山郭獨悵歸袂分

貢士源

送張師聖陞察掾

清憲肅文治霜臺進時髦翩然黃鵠舉迹與秋雲高伊
昔來江東才華冠英曹清風動蓮幕勁氣生紫毫爰因
休沐暇嘯詠出蘭皋粲粲明月珠煌煌宮錦袍因之寓
奇賞慰我心鬱陶如何敬亭別無由駐輕舸吟箋寫離
思華觴酌芳醪行哉茂遠業寧復辭賢勞

趙益禧

雜興

上蔡牽黃犬華亭聞唳鶴將相豈非榮終焉竟何若不
如素貧賤至死有餘樂所以園綺輩超然見幾作

神龍困于陸井蛙妄自尊羣蠅附驥尾騰騰擾晨昏韓
盧多反噬那復念舊恩悲哉國士志天遠顧無門

伯禹大聖人而甘飲食菲于淵真賢者簞瓢樂蠶蠶我
輩何人哉越分犯不韙薄言采三秀獨立歌山鬼

自擬招挽歌

余既做太史公五柳先生自述存悔老人序
傳因更觀陶淵明陸士衡秦少游皆有自擬
挽歌輒復效顰為詩二章會邀時賢相與作
巫陽招些弔此未死遊魂他日九泉目其瞑
矣戊戌季秋

生死猶旦夜萬古無不然縱有百年壽終亦埋荒阡況
茲三彭仇幾人得百年在世苦役役百念常憂煎一朝
同物化閉口不解言閉口不解言骨肉漫哀憐噫嘻重

噫嘻誰能了塵緣

宋玉作招魂哀傷為其師淵明擬挽歌賢達惟自悲後
有陸與秦亦復為此辭今我慕先哲豫歌露朝晞幽幽
石山室有日入居之親舊倘有情及在挽以詩不必待
長夜假鐸樂吾尸

胡晉

九日登敬亭以登高無秋雲分韻得秋字

夙居敬亭側登覽常靡由佳辰豁新霽幸陪君子游依

松息微倦聽泉欣暫留攀緣歷危巔指示窮荒陬培塿
寧足數岱宗良與儔班荆憇雲根拂蘚題巖幽仙果滿
藂摘時菊盈觴浮歡餘發高詠興逸凌清秋心賞未云
極何當復相求

下山以日落羣山陰分韻得山字

杪秋景易晏暮色生空山紫芝信可採丹梯詎難攀未
諧棲雲期且復步月還誰當念幽賞神遊翠微間

齋居有作贈同志

齋廬幸高曠況與佳人俱地偏車馬絕境勝襟抱舒日
與篇翰親頗覺塵事踈晴軒瞰嵐嶺綠池涵清虛苔痕
被行徑林陰茁幽居吾非傲軒冕且復得所如

同張叔興游敬亭蒟蘆沖

邈居闕心賞何由散襟顏過門有高賢連袂欣尋山躡
石渡清淺求蹊出榛菅稍深竹樹盡忽曠烟巖環即此
敬亭勝豈殊盤谷間息影巖扉幽寓歡觴宴閒視日未
云暮嘉言且容攀

戊申春送汪叔志之建業

高士抱經濟夙齡著嘉聞披懷豁霽月為文舒慶雲蔚
若玄豹姿邈隨丹鳳羣絃歌育時秀令德承先芬秦淮
浮綠漪鍾山凌紫氛從游良未遂言別徒悵勤

首夏遊明寂寺

良遊屬初夏逍遙振晨策逶迤松徑長杳靄烟嵐積淙
流散瓊華紺宇燦金碧掃石展良讌披榛尋往迹眷賞
方延佇鳴笳起將夕

汪珍

樂珍字聘之隱居黃山盧摯雅重之汪澤民敬其為人不敢與鴈行每稱曰南山先生

感興

素絲墮墨池白壁有微缺缺者不復完汙者難再潔君
子慎言行皎皎庶不滅絲壁誠可珍所貴完與白

搖搖東園柳娜娜不自持本非棟樑器但有猗儺姿
揉之成栝櫟未免與人隨嚴冬霜霰隕不得斤斧施賞玩
誠足貴取材非所宜

潺潺急流水雖清不可鑑悠悠行路人雖語只可暫朝

菌不謀夕槿花豈待旦哲人慎交際毋貽來者嘆

白石攻良玉鹽鹺錯南金明鏡賤嫫母磁石惡曲針向
來爨不焦或中朱絲琴又聞牛領鐸可諧大樂音用舍
非公美惡在所任

故人在天末三歲不得書欲寫心中事緘之問闊踈杳
杳雲中鴈沉沉江底魚此意竟莫達抱恨當何如

貢奎

案奎字仲章父士濟贈廣陵侯奎任池州路
齊山書院山長擢應奉翰林文字泰定中拜

集賢直學士後贈廣陵郡侯諡文靖所著有雲林
小稿聽雪齋記青山漫吟倦游集豫章稿上元新

錄南州紀行
凡百二十卷

寄吳子彥

憶昔溪上別于茲，倏經年胡為不嗣音？令我心茫然，燕
州六月旱火雲蒸，晚天飛蝗密如雨，桑麥浮黃煙秉筆，
事詞翰，媿非時政先側聞，江南雨官途漫成川，豈無妻
子累萬里，何由前對食，不能餐，枕肱重憂煎，蒼蠅何營
營，厥類紛牽連，緬懷嘉樹底，披襟弄清泉，雲林有高處，
盍賦歸來篇。

答陳華仲

海上三神山上有學仙侶
泠泠紫簫聲吹作飛鳳語
迴飈蕩溟海散落成烟雨
豈無知音者一振九苞羽
持之獻天庭上以奉明主

張師愚

案師愚字仲愚一字仲淵與弟師魯皆好學工詩嘗從汪澤民遊澤民稱平生畏友

有二
張云

古詩

晨選期門士大獵南山陽
白日照旌旗咫尺臨清光之

子才且武結髮在戎行控拳拉罷虎餘勇殊未央回車
宴五柞舉烽令行觴未忝被中野松栢生高岡借問何
所思所思在冀方彼美冀方士安得同翱翔

峩峩切雲冠奕奕芙蓉劒揚揚徒旅繁濟濟駕紫燕行
行向雙闕去上未央殿君明臣亦良四海皆清晏齋房
多靈芝郊藪鳳凰見羣臣亦何為稱功勸封禪

中夜整冠帶覽彼明月光屏營不能寐憂心獨怛怛危
坐待明發牽牛直南榮盈庭樹蘭蕙芬馨日凋零客行

隨所適感物懷故鄉朝發鴈門道夕入蘭臺宮佳賓會
若雲列鼎吹笙簧終歲極燕樂保已有餘慶

仙人降瑤序風露清壇場朗詠玉書文遙上綠雲章閭
闔啓中夜五色垂景光霓旌導絳節授以長生方湛然
守中局不迎亦不將瓊漿酌天和玉芝茹春香手種蟠
桃花坐待三千霜相從廣成子鸞鵲參翱翔

送楊待制

玉堂迺丹宸代言煥絲綸求才極清選擢用先席珍英

英儒者宗顯秩宜致身窮理伊洛源振藻班揚鄰飛騰
霄漢高輝光章綬新驛程催舉權雪消江水春言路方
四闢啓沃須搢紳

送陳公輔宰新寧

都梁介南越溪過山崢嶸銓才得賢令慰彼遠人情追錢增綢
繆梅雨時初晴雲帆洞庭濶蘭渚瀟湘清劇煩屢奏最邑
政胡難成惠行徭俗安信孚庭訟平勿謂茲土陋歸興悠然生

送秦祐之照磨辟南臺掾

騷騷志千里，鵬鶚厲清秋。佳士逢盛世，飛騰良有由。河
南忠義家，奕葉承箕裘。甫佐江東幕，旋應南臺求。將母
仰微祿，束書上輕舟。知友豈不懷，捧檄焉能留。華要在
咫尺，行行接英游。

冬夜讀書

寒齋竹戶閉，風葉鳴庭除。焚膏取深夜，隱几讀我書。虛
懷縱探討，忘寢獨卷舒。名節重九鼎，富貴浮雲如。伯夷
隱首陽，武侯卧草廬。仲連却秦軍，子卿抗單于。聞者咸

歎息偉哉四丈夫令名垂無窮擊節良起予

尋西郭新亭遺跡

芳辰喜清暇攜筇出西郭登高一以眺山川如綺錯昔
聞趙宣城築亭候賓客嘉林蔭結構翠嶺照丹牖逢迎
盡賢士冠蓋擁阡陌況有謫仙人竒文刻金石我來訪
遺跡但見丘與壑斷甃亂榛莽隕址暗松栢五馬不復
來樵歌空踟躕人生一世間富貴不盈握所以崇令名
沒世耻寂寞

登響山

晨遊吳相圃登陟稱幽情荒逕何盤紆連岡抗欽峯覽
觀興未已遂上雲烟岑曠野望原隰碧潭瞰淵深舉觴
愜清賞分籌對高吟征鴻翔寥廓倦鳥集故林俛仰久
延佇感慨激幽襟

祀文昌後飲福分韻得金字

鷗鵬擊滄海鸞鳳翔丹岑由來聖明朝英髦藹如林河
清啓文運賓興播綸音皇澤何汪洋弓乘相招尋潔蠲

共精禱光昭儼來臨工祝致神釐燕毛羅佩衿士懷經
濟業貴比雙南金相期在霄漢勗哉思自欽

又代道士作分韻得誥字

弱齡寄塵外林栖誦真誥恬淡依皇靈壇場躬汎掃仰
欣文囿英懷粹致心禱蜿蜒龍駟翔晻靄鷹旗導弭節
臨瑤席肸蠭若相告爾士際昌期豈弟子所勞學海觀
波瀾聖域詣壺奧秉心無或違青雲斯遠到再拜授神
言珍重瓊琚報

送吳子彥縣丞之分宜任

宜春麗山水游宦多賢英
康樂啓侯甸昌黎刺州城
今子贊屬邑欲徃思已清
揚舲動行色執手別友生
名宗本台鼎奕葉垂華纓
墨綬雖未顯象簡亦荷榮
秋深黍稷熟雨霽川原明
捧檄有程期不日揚嘉聲

送牛仲庸

樗散非世用編簡聊自娛
寧知城市喧似入山林居
之子不遐棄跼然造蓬廬
照夜覩白璧簡雲逢名駒
清言

遺榮利雅尚敦詩書依蓮暫試吏彈鋏匪為魚今晨遽
云別趨庭念扶輿汎汎季鷹舟飄飄老萊裾耘耔有豐
歲脂牽無遠途漢庭召英俊行當待公車

壽王子榮

舊業傳孫吳戎行事馳驅不願萬里侯解組歸田廬中
歲敬亭下高卧寄一區誰謂環堵陋而多長者車手攬
芙蓉花口誦漆園書神完守彌固累遣心自舒松喬雖
壽考比之應有餘

張師魯

按師魯字叔興仲愚季弟兩領延祐天厯鄉薦

上元與諸彥登開元寺塔

得忽字

漢家祠太乙燈火夜靡歇流風屬上元
照映金蓮發我思鴈塔登飛興生超忽
聯步青雲梯仰見黃金闕霞珮續相從
天榜煥已揭舉手謝杳冥當期探月窟

登鼇峯賞眺

得鼇字

佳賞屬芳節招携有時髦靈峯何肩屬
遇勝忻登鼇翩向金闕濟濟朝仙曹詎
意闌閭間遂升霄漢高玄圃

耀瓊藥天風吹碧桃多謝陵陽子引我同遊遨

始春與汪叔志送仲淵兄之建業登峽石飯別
雙溪波已綠泛泛動春槩雲林迎睇來峽石褰衣上徑
隘始道履磯平忽如掌行舫移中庖班荆代函丈淋漓
蒼峭題披拂清幽賞采其興未極感則心俱往幸有同
袍子慰我連枝想拜言遲還期庭樹踈陰長

送陳公輔宰新寧

壯志輕別離猶念一笑歡況此平生交解携情所難從

知有常操可以持歲寒何為往鳴琴渺彼南雲端明時
枉長才欲俾遠邑安滿壁雖可尚珍重在加餐歸來涉
沅澧贈我芷與蘭

仙游山神祠

仙游杳不極山夕景獨殊丹氣發空翠天燈照連珠下
有神之宅何年託蓬壺想爭隋氏鹿赫赫雄萬夫提劍
起草莽塞旗護粉榆奇功未盡賞靈異終弗渝祝釐賽
田畯撫節降楚巫羽人孰可仍我亦懷英圖芬鄉乍成

霧杯琬若合符歌此謝冥貺送迎神以娛

謁敬亭祠於山中留憩

濟勝煥飛構爰宅山之靈雙流下委輸千峯上宕亭揭
虔諒斯在翼翼瞻神庭豐殷降祥祉招携奠芬馨靈鼓
坎已奏真馭來冥冥精誠一云展謀野戾巖扃鳥鳴芳
節闌谷暖柔桑青忻此遂嘉賞晤言遺醉醒指景向城
闕還期學延齡

烏聊山神祠

龍舟抗錦帆天下遂隨鹿雄圖江淞上千里瞻左纛竟
想虬髯姿挈地歸荒服英風不可泯血食有遐福錫誥
啓王封祈年謁州牧氣和餘沴消雲委嘉生熟我登烏
聊山祠宇炳紺綠揭虔禱靈莢閱繇得嘉卜游攀丹桂
枝似愧青首藉神意倘終惠親來報工祝

東郊遊宴

苔逕碧新沐忽動幽人履瞻林感初榮緣澗尋芳芷江
鴨來充庖山盃聊泛螳眷言素心友相期弄烟水

羣彥惜流景探幽來窈窕烟萸柔綠微林戶新風遶執
衽采嘉萌張羅獻春鳥相歡且觴詠抗志浮雲表

登麻姑山

仙山碧玉梯千仞凌紫氛笙鶴杳何在披懷觀八垠乃
知境自殊不與人世聞丹爐煖勝雪劒匣寒生雲道成
遂西遊從此起凡羣瑤池擘麟脯日佩青霞裙我來採

瓊螺效古誠慙懃虛谷語相答渟潭笑成紋

原註山頂有丹爐劒

匣下有笑泉又神交向悠邈還期脫塵紛珍重謫仙乎
產小石螺如玉

高歌播清芬

暮春懷蘭亭修禊

春序忽已晏閒齋悄悄沉沉林樾含清晝時禽變流音景
曠文墨牽感慨還盈襟昔人遺物後嘉會在山陰高風
激頽俗竒藻照斯今我願追往躅誰來同賞心

擬新霜感

秋氣日以肅秋風日以涼攬衣起晨征行行履新霜新
霜亦何感涕泗出衷腸所念慈母恩天地同久長無能

致祿養空負觀國光盛德莫云報此心終未忘況承祖
澤深溉植流餘芳勗哉三聖書家學安敢當幸逢文運
新刷耻期前行身躬匪叨榮哀贈有典章庶以慰冥漠
松栢增蒼蒼天乎鑒我誠新霜多感傷

九日祭禰

玄月物咸遂霜露亦降之戚然念先德報本良及時敢
裁迢遠情禮得伸吾私忠養夙所關致力猶在茲齊恭
倍仲氏佳節修常祠潔牲秩俎寒泉湛盈卮

原註時
禁酒

庶品復芬苾神其或來思利成拜嘉慶衆餒羅參差慈
母且解顏兄弟豈不怡所願濟斯義幽明諒難欺

暮春懷鍾山作

夙尚厭紛雜鍾山愜遊盤弄泉起清思聽松生夏寒不
抗青雲步賞心良未殫恍如歷牛女翩若乘鴻鸞遂超吳
會表始見方儀寬荆襄接遠蜀江淮阻飛瀾感往空自
感適今宜盡歡馳觴宴碧落發藻芬紫蘭信美非鄉土
眷然歸念干寄謝凌崖客無言春意闌

九日登敬亭西峯奉懷仲淵兄得登字

佳節雲雨變扶光慰晨興心期當採菊塵外忻携朋童
冠亦云集西峯遂同登欲觴憇懸石靡策攀垂藤黃山

茁茁出淮海秋華澄酣歌弄萬象高步凌飛鷹

原註俯視飛鷹

八九方盤旋山半方戀瞻望遠如何煙景凝仰招得遺賞遊仙

浩難憑所悵親愛隔頻令離念增乘風倘吹帽知子升
鍾陵

栢山僧房宴集

雙林翳南郭雨餘湛烟華始愛嵐嶺霽更欣塵雜賒澄
流現真照閒庭雨空花良醺文墨親追遊喧景嘉適志
形俱忘尋幽慕非奢懷哉九泉士芳馨播幽遐

栢山園亭宴集得樂字

伊余幸寡營心期在林壑矧此昆友間獻歲及行樂昔
人種栢地精廬抗南郭玩碑得奇篆展墓薦清酌永想
玉山姿何由起冥漠雙羊諒匪遙追嘗宛如昨羣物悅
熙陽孤芳厲華薄山亭一流憩觴宴忻醅酢方以野勝

留寧知夕景落良會當嗣今允矣敬亭約

原註叔志又約遊敬亭

吳鎔

案鎔字子彥宋丞相潛曾孫以父總管賓儒蔭仕福建鈔庫提舉歷耒陽知州

夜坐

微月耿牕影回風遞鈴音幽子方獨坐警此中夜心湛然體太虛不受塵滓侵明朝接世事何必論浮沉

杜門

杜門養我拙將謂得自安豈期窘人事朝夕生百端東家子乘龍西家女乘鸞試將謀諸婦婦言良可嘆子不

義居鄉而以廉居官今茲用不足羞澁將誰看我常驚
簪珥日為治杯盤上堂奉我姑怡然有餘歡請君秉素
節瑣瑣毋相干

汪士深

案士深
字起潛

謁昭亭祠

靈祠俯江國棟宇依層巒千峯遠宮堯二水渺迴環昭
明肅清境髣髴聞和鸞霽霽集嘉祉芬芬奠椒蘭精誠
一云展遐眺凭飛欄昔賢有高躅寄墨青雲間瓊瑤刻

蒼翠筆勢迴翔驚神遊已冥漠馳情空長歎高峯一回
首日落天風寒

送李一中任西臺監察御史

黃鶴九霄志神駒千里蹤乘時一起忽庶類寧與同英
英青雲彥矯節凌高松懸弧懋遠業力學收奇功

登敬亭西峯得雲字

天秋敬亭碧步隨高士羣幽蹊入遠谷丹梯造浮雲良
辰景澄曠環瞻渺無垠天際淮岫列林杪川流分山水

豈不佳塵世何紛紛我行得先覺意會同一欣華觴獻
甘醴黃花泛清芬題名寄巖石詠歸當夕曛

下嶺得落字

尋山賞未厭暝色生泉壑遐心羨雲閒歸步隨泉落嵐
翠耽餘景田廬成野酌行行月侵衣相携向城郭

欽定四庫全書

宛陵羣英集卷二

元汪澤民張師愚同編

古體 五言

元

汪澤民

案澤民字叔志宋端明殿學士藻七世孫登延祐進士第累遷集賢學士以嘉議大

夫禮部尚書致仕後陷於蘄黃賊不屈遇害贈諡國郡公諡文節所著有春秋纂疏及巢深燕山宛

陵三稿元

史有傳

壽王子榮

金匱山房詩集 卷二
黃山揀天表，蒼翠蓮峯奇。羣仙此遊盤，千載令人思。佳士志幽賞，秀色攬無遺。歸來碧筒酒，高詠黃山詩。況悟攝生理，松喬當與期。

送陳公輔入京

璠璣韞山石，華薄浮輝光。美人秉貞度，聲聞從風翔。憲曹厭煩跼，贊序登俊良。囊書上京畿，秋風駛征航。所知滿朝行，有善當見揚。無為念遠別，天衢即騰驤。

送仲淵歸覲畢住石城齋居

嗟余寡兄弟夙齡仰儒珍自諧平生志匪以綢繆姻珪
組非所懷丘壑思為鄰玄豹著文章尺蠖慙屈伸流聲
振江滸祛蔽淑斯人石城弦歌樂令德日已新方念春
時往還及夏清辰燕酌豈不歡惆悵別何頻徒企蔣生
逕旋問孔氏津秋期遲采菊歸慰高堂親

夜與張叔興同宿因懷仲淵有作

連朝阻良覲暮節慨幽獨執手一欣然遂此東齋宿語
闌餘燼暗意愜清夢熟覺來踈雨聲月露滴修竹聽禽

林景變見日塵事感仲氏有素期結廬向蒼麓

唐薛元鼎使西域具言河源澄瑩冬春可涉衆
水合之益遠益濁人之縱於欲而汨其真者亦
猶是夫友人感慨賦詩因和其韻

河水本清淺西來自崑崙泉流一以合混混終莫分龍
門疏鑿功積石聲潺湲誰云一寸膠可救萬里渾荒哉
乘槎子漫遡天潢源

四月初飲于清勝園之錦波亭分韻得猶字

改序氣清淑振衣散煩憂郊園念前賞朋友還相求彼
美洛中花千金信難酬穠華廣陵秀瑞應將誰儔撫節
感行役玩芳久夷猶虛亭一流憩酌醴增綢繆孰云風
景殊宛若江南遊白雲起遐心明月空暗投滌滌具足
樂歸哉勿淹留

送羅與可象山山長

象山萃靈秀奇異駕南州矯矯荆門翁讀書樂深幽因
之表嘉號結宇來朋儔儀刑歷歲月俎豆嚴春秋伊昔

戴湖會論學不相謀先覺推無極天壤同周流至理照
日星何煩獨旁搜朱陸匪私已後來徒喧啾羅君士林
彥萬里開驛騶升堂即斯席鼓篋集英游山水信清美
親友贈綢繆分陰足可惜遺編需講求

元統乙亥十月初吉偕諸友游白鹿洞拜文公
先生祠楚濱饒君實奉祠事移尊泉亭留詩識
別

匡廬東南秀江行屢停舟紫翠遙相望塵俗不暇遊曾

從風雨際默禱陰靈收茲辰炯晴旭歡携得良儔五峯
鬱宮堯鹿洞何深幽分符仰過化讀書慨前修持觴面
蒼峭虛亭枕寒流清賞未云已行役寧久留山靈倘有
約重來劇冥搜

過西嶺憩長慶寺於經閣登眺

仲月氣和淑賞心塵事牽經界祇府命追攀得時賢敢
辭行役勞似結山水緣整屨登西嶺憑虛近中天百泉
響空澗萬藤疊危巔倏焉嵐霧集泐然鴻濛前盤桓下

飛磴迤邐見平川垂松古梵宮投裝意超然復茲陟雲
構幽觀暫留連

上公亭

上公亭者王文正公宰平江時所遊處也澤
民屢從時暇登眺茲亭念先哲之流風愧寡
陋以何補徘徊感慨歌以宣懷

幕阜東北峙潁江西南流君子有遺愛築亭表斯丘製
錦試遐壤作霖抱嘉猷升堂走魑魅避席環蚍蜉至誠

靡不感作俗良有由盛德祠百世一日同千秋官遊忝
後塵神交企前修致身誠寡要素食徒包羞遙遙墟里
間盼盼凋瘵憂勗哉志康濟臨眺增綢繆

三月一日修祀事于文昌祠分韻得隄字

文昌拱宸極降神劍門西爵祿司砥礪賢能膺組珪宮
祠宛溪上洋洋靈久棲聖皇法治古賓賢表黔黎况茲
文物郡前修聯上躋祝釐尋典禮羣英幸招携芬芬奠
牲膋秩秩陳醢鷄利成旅酬獻肸蠁開端倪修翼起滄

海長河決金隄允矣在斯舉藹藹升天梯

上佟副使

羣牧寄邦憲帝心念民康江左久凋瘵咨詢選才良
君子感知遇誓將振頽綱雙溪方弭節列郡先飛霜
萬秋厲鷹隼清風懾豺狼公餘禮下士黌序生輝光
願言化成俗歲久道彌章

送張仲端經歷

王政繫風紀賓僚貴儒流吾邦古藩翰多賢仰前修
彬

彬須城士蕭曹將與儔溫如良玉質清若寒露秋尚書
有文獻奕葉承弓裘薦章藹聲華解印寧淹留矧今需
才彥而當茂遠猷江程積雨涼揚颿駛輕舟雖歡懿親
會能忘昏墊憂乘驄貯嘉命省俗此重遊

送趙說道中臺察掾

皦皦臺中妙昂昂懷令姿春華麗文采秋蘭馨言辭幽
居肯來覲蔭竹灑涼颿賓賢未盡歡王程已及期鍾山
尚乖闊此別况京師吾兄信時哲風裁恒自持以茲青

雲器內舉孰云私案牘諒匪久羽翼徵在斯論文貴敦
舊贈言敢忘規惟應厲清操揚聲慰所知

送莫京甫赴南臺掾

宣城古名藩贊畫得時彥溫如崑山玉清若澄江練獄
辭志平反州民懷眷戀倏奉南臺檄辟此三語掾凌厲
信有時夙夜期無倦遙望鍾阜雲携觴共追餞

九日登敬亭西峯懷仲淵分韻得高字

佳節忻澄霽敬亭共遊遨行行遠竄塵迢迢歷巖壑流

泉盥紺碧孤松蔭蕭騷暫憩阻盤谷稍升豁江臯遇境
即深賞探幽遂忘勞絕頂俯飛翼萬象明秋毫俯瞰泉
岫低安知此峯高進芟雜山實採菊泛芳醪同懷悵仳
別北望增鬱陶拂石留題字先登愧吾曹

下嶺得陰字

秋山罷遊覽回首連峯陰林廬得小憩芳樽復同斟皎
月忽隨影零露已霑襟逍遙向城闕却愁塵思侵

贈江東照磨秦裕之應南臺掾史之辟

昔為宛溪別十載欣重逢守官稽令甲應幕依芙蓉潔
如玉壺露利若青萍鋒辟書來南臺程期豈從容目送
舟遙遙雨涼江溶溶行峨惠文冠誓屏豺狼蹤素志諒
能展嘉聲斯亢宗

梅致和

案致和字彥遠堯臣九世孫從汪澤民受春秋著類編十二卷部使者王士熙吳鐸

雅重之屢辟幕不起尋卒宋瀛志其墓有稿十卷燬於兵

丁丑九日登城西山園分韻得路字

佳節有襟期超然發奇趣登覽得崇岡咫尺西郊路雲

嵐逋隱見山川歸指顧新螯雜野饌芳萸泛清醕舉杯
招陵陽握手論心素却笑塵埃間終朝競馳騫

擬古送施敬叔赴京都

渥洼產神駒良能日千里頻年服鹽車甘與駑駘齒伯
樂道逢之解佩以為質加以黃金勒絡以青絲轡燕臺
屹崇崇朝發夕斯至翹首一長鳴坐使空北冀何當振
長策力驅效陪驥

進善旌

魏魏古元聖制作何其精設旌五達衢錫以進善名回
颺動旖旎晴霞絢晶瑩匪直昭觀美予以通下情至人
秉彝性耿耿懷忠誠臨風一遐矚鼓舞趨皇京睠彼鄭
蝥弧周麾呼登城漢幟匪不華所尚唯佳兵何如進賢
士相與圖太平

題王昭君圖

魏魏漢天子俯視單于國佳兵不祥器構此千載隙一
朝講婚好詎較秦晉匹妾本良家子來奉披香室如何

薄恩情以此嫁絕域訣辭未云已騶道若相迫行行故
國遠萬里不遑息遂抵龍沙庭禮遇殊已極穹廬以為
居乳酪以為食雖貴非所安雖榮非所昵回首漢宮掖
可望不可即悲哉青塚高千年但陳迹

施坦

案坦字季平

十月二日先妣諱日感懷呈家嚴家兄

燦燦萱草花自昔居北堂傷茲本根萎一去三十霜非
無同枝榮分散各異方異方難屢面追遠同所傷所傷

獨何深墓下秋草黃賴有鬱者椿松柏偕蒼蒼願保貞
固質歲寒盟久長幽憂固難忘仰蔭汜可康

題石埭縣胡氏問源亭

幽人性樂水結構面渟泓几席湛無滓簷楹虛以明瑤
波與目謀鏘鳴耳為傾豈不娛視聽於焉攄我情孰知
始涓涓居然致盈盈逝川著道體觀濶探理精悟此蒙
養德有孚坎中行源澄流尚濁孰肯清其清曷哉務敦
本請事斯亭名

施桐

案桐字晉卿

送敬亭李有成歸覲

君家騎鯨仙山色看未了雲仍此焉集煙霞恣幽討東城一相遇襟抱倏傾倒相知意方新子行計復早願言襲先芬重看拾瑤草

何儒行

案儒行字仲景至元乙亥領浙江鄉薦

擬古三首

夫君天一方寄我春羅鮮裁衣以被服綵繒麗春妍朝

織機中錦夕調琴上弦深閨抱幽獨暗擲桃李年綠苔
生綺閣芳草積雕欄思君胡不歸歲月坐推遷妾心冰
玉潔君操諒彌堅

上林翳高樹百鳥來紛紛結巢編其柯喧啾長兒孫侵
晨啄禾黍薄暮翻寒雲豈無鵬與鶴搏擊難空羣悠哉
丹山鳳舉翼凌紫氛

猗猗蕙蘭花敷榮在巖阿采采心靡勞眷此陽春和夫
君在滄海欲寄道里多音書久契闊殷念將如何紉為

幽居佩嘉芬襲衣羅中閨對明月顧影空婆娑

送姚道士往金陵訪玉林陳鍊師

原註玉林號
虛白先生

麻姑翠苔薨青松蔭泉石道人懷遠遊清嘯聞終夕身
被紫霞衣山川訪仙跡金陵古形勝樓觀絢丹碧皎皎
玉林子觴詠日閒適得茲翛然侶清風生几席華月滿
中天虛室夜生白

施霖

霖字
伯濟

寄黃彥清

正聲久微茫塵滿絲桐衣幾度思理曲擬我與世違偶
逢鍾子期對之拂金徽一彈再三歎下指生光輝但憂
子期去聽者亦復稀

汪洵雷

案洵雷
字叔震

疎齋賜示和陶移居詩有懷從遊之士不鄙荒
陋而俎豆之輒次韻以謝不敏

我家南山陬猿狖之所宅山中亦何有圖史窮日夕知
已非所任願為老聃役稍從燕游間庶分漁樵席大雅

久不作茲焉愜平昔感遇方為榮爵主何待析

高德游

秋興

灝氣日漫漫微颺日颺颺前簷木葉下已覺人間秋美人顏如玉遙睇西南樓當軒調素琴曲終有餘愁妾夫海南隅遠泛滄浪舟三載不相見歲月忽如流安得與之俱置身入羅浮此曲今絕耳餘響空啾啾

趙由堃

寄謝新安曹希文

天風西南來，爛然雲錦章。
黃峯滴秀翠，收拾無留藏。
鏗然韶濩音，驚動羣鸞翔。
薰香再三讀，浣我煙火腸。
先施漸未能，欲報徒七襄。
斑衣戲庭下，為引南豐香。

丘巨源

擬大暑運金氣

大暑運金氣，火盛金未逮。
炎蒸毒我腸，霑汗苦浹背。
夏暑民尚咨，秋暑胡弗憇。
四時遞遷幹，功成所宜退。
金張

侈貴盛貂珥累數代許史擅世寵第宅儷廣內滿盈不知止一跌竟何悔仲連却秦軍好爵不我愛隆隆炎赫中高風千古在

汪師賢

贊龔教授

蒼蒼松栢姿千歲閱霜雪結陰干清霄况復秉奇節偉哉梁棟材那能就節稅橫經敬亭下衿珮映鰲躓久知辭翰宗夙負經濟業會當快扶搖羽儀振天闕

戴元素

送張仲端經歷

東魯有佳士佐幕東南州襟懷寒露潔藻翰春雲流儒
風激頽波憲紀多良籌詳刑周列郡問俗紓民憂伊予
幸同年升沉非匹儔君子乃推薦虛薄誠所羞自憐鷁
退飛空仰鷗橫秋依依敬亭雲去去汶水舟且盡別離
酒跡遠心綢繆

許晞顏

按宛雅
作希賢

和趙陽山招挽歌

盡道順其正吾聞諸先師斷鶴豈不憂續鳧無乃悲任
真各有適談天不容辭疑心春冰泮滯見秋霜晞所以
存悔翁乘化任所之非道故無憂爰賦黔婁詩黔婁有
仁妻正衾覆其尸

吳寶先

和趙陽山招挽歌

江國同官游憶昔壯歲時投簪各辟地間闊傷亂離坐

閱滄海塵夢斷邯鄲炊君抱河汾學著書擬古遺肯甘
草木腐祇重禾黍悲鹿門守苦節者舊今其誰塞予媿
孤陋哀暮空棲遲三復甲子編撫卷為吁嘻

世事固不常人生竟何為城市多紛擾林泉有幽奇伊
人共歆慕何事獨嗟咨窮通等浮休達者自悟之委順
付造物佚老足自怡寄傲北牕卧舒嘯東臯耜名教真
樂地何憂復何疑天未喪斯文文其不在茲請輟楚人
些載歌盤谷詩

梅奕芳

和趙陽山招挽歌

飄飄華陽翁耿耿貞元士挺挺梁棟材軒軒雲霄志當年拔科名聊復試仙吏天將厚公德所以薄其位晉鄙日薰陶風俗日以美東籬時寄傲采菊香旖旎引年未可學況學長不死

信史藏名山居然學者師既見心則悅未見我心悲誅姦發潛德視此瓊瑰辭岐山鳳一鳴覽德朝日輝胡為

達生死哀挽預擬之政使百歲後招魂但歌詩毋為效俗子作樂娛其尸

方炳炎

和趙陽山招挽歌

景陽一角麟城南老文士苦詩韜丹心甘隱暴素志曲江看花仙東陵種瓜吏時事若罔知由不在其位一編紬石室吾聞其語矣顧已持髭髥從人作高髻宗婦不再適失節大於死

陳巨源

和趙陽山招挽歌

有生必有死此理自古然吁嗟世之人孰不埋荒阡壽
命非松喬誰能保百年義娥逝不留寒水尋相煎氣散
則形返知者何待言知者何待言不作兒女憐一朝倘
乘化聊以警世緣

黃庭芝

和趙陽山招挽歌

人生胡為哉聲跡兩茫然視昔少壯時驅車東西阡天
地有終極事業無窮年膠膠復擾擾百慮來相煎今茲
老頭顱一笑已忘言一笑已忘言白髮漫垂憐何當招
山靈藏密謝世緣

張元壽

次趙陽山招挽歌韻二首

有生必有死殆猶旦暮然及茲未死時西陌而東阡風
日撰杖屨優游樂餘年心苟為形役膏火自烹煎浮生

真如寄難與俗子言難與俗子言汨汨誠可憐榮悴各
有時修短信前緣

淵明百世士曠達真可師委運大化中不喜寧復悲而
自擬挽歌毋乃空費辭風花匪耐久草露旋即晞轉盼
成陳迹皇皇欲何之放懷薄薄酒遣興草草詩至人有
達觀蘂裡掩其尸

附五言古詩

按永樂大典內凡係失
名失題無考者附後

首夏讀謝康樂詩

首夏屬佳月景靜澹無營獨此焚香坐何以寫我情慕
謝方婉孌臨文乃縱橫甘如酌玉醴馥若佩蘭英山水
信可賞符竹亦非輕無悶未云悟惜哉稱達生

九日賦菊

冉冉九秋暮靡靡百卉腓淒風振中林零落霑我衣令
節依辰至黃華靚幽姿清妍謝浮艷澹味涵華滋彼美
南楚士餐英湘水湄亦有彭澤翁薄言採東籬前修不
可作朔風邈予思晚成自遲鈍春芳實先萎迅商薄玄

髮撫景嗟願違誓將拔靈草紉佩芳菲菲

送李仲傑僉事任滿歸吳

鳳麟瑞昭代鵬鶚橫清秋英英青雲器逢時展嘉猷冠
豸登憲府馳輶遍南州粵從江東來賢勞四年留春陽
煦凋瘵冰霜厲清修氓里正懷德拂衣還虎丘執別弭
行棹東風渙春流會當被嘉命簪筆侍宸旒

哀三良詩并序

秦風有哀三良詩刺穆公以人從死後王粲



作哀三良者興曹公以已事殺賢良也陳思
王亦作之者怨已不及死者也吾以哀三良
仍有餘意猶可賦詩故復作焉

士為知己死女為悅已容咄嗟彼三良殺身徇穆公丹
青懷信誓夙昔哀樂同人命要有訖奈何愛厥躬國人
悲且歌黃鳥存古風死復不食言生寧廢其忠存為百
夫防逝為萬鬼雄豈與小丈夫事君繆始終

郊行言志

明發出東郊輕雲斂微晴新雨動膏脉羣物咸欣榮緩
轡吟且行滿襟春意生豐穰啟嘉兆田里安疲甿從政
無奇術素飡慚不耕惟持貞白志庶用答休明

村民潘氏婦安貧守志作詩美之

門前賈枯桐門外繫荒草閭巷鏢秋風啾啾空雀噪居
人夸且說嫠婦髮未縞艱難務紡織糲飯雜枯粃生子
纔穉童訓以事結業之死堅自誓老矣逼華皓夫人孰
無志所慕伯姬操長貧一不忍歲寒那可保吁爾寡聞

識林深蘭自好惜無彤史筆特使貞德耀我歌邶鄘風
以備采詩討

妾薄命

當時結髮誓敬許以身從舊來繡羅襦尚有雙芙蓉顏
色日以故芳年安得重身殉豈所難曰禮恐未恭淒涼
夜來月耿耿照房櫳

丙子歲冬自陝移守長沙過石城子壻种主簿
女組各以詩見送為作雜言以酬之

少壯寡畧謀妄意學干祿中年飽憂患未能辭寵辱有
如隨陽鳥又似籠中鵠日日謀稻粱卒歲難充腹今朝
楚江上邂逅見骨肉遠道已足悲况復念鞠育平生懷
抱物一旦隔川陸女兄佐翼城女妹客代北今我出三
湘別女郢水曲相望各萬里音問難頻屬匆匆逆旅間
夜闌更秉燭無言對酒食忍淚聽絲竹別恨各填膺欲
語不能告却憶長安時畢世恐難復良人負材業下位
恥自鬻家貧復親老兒女坐滿目儻不從仕宦無以繼

饘粥我老猶強健我遠忝方國在我不足憂於女可無
囑慎疾避燥濕甘貧樂菽粟大有富貴人憂危多不足
家問苟無故便是康寧福鳴騶已在門冬日苦短促倚
馬報此言甚愧非珠玉

丙辰歲人日與胡彥德登敬亭第一峯得登雲
二字

發春想高賞危峯正峻嶒歡攜得時彥攀雲乃先登丹
梯照白日振步何飛騰攜觴侑珍脆螢火然薪蒸遇勝

輒留憩曠然襟抱澄美人隔煙霧佳興何由乘

長嘯坐高頂超然遺世紛空濛接海氣縹緲瞻湘雲釣

天諒匪遙仙樂時一聞衆嶺鬱可翫茲峯迴難羣靈芽

採初綠瓊葩獻奇芬

原註時茶已芽
香草吐花如玉

欣賞遂心素慕謝

垂斯文

丙寅歲人日又與胡彥德登敬亭第一峯得卽

丹二字

丹梯倚碧霄獻歲更登陟騰笑縹緲間揮手凌八極仙

葩如玉人顏色溫可即芳醅泛羣螳珍味羞九肋烹泉
火出瑩題石蘚漬墨李謝去已久使我空歎息終日挹
高風斯意誰能識

飛眺紫霞表長吟坐天壇川光混遠碧海色明微瀾巖
日正照耀松風生雨寒披襟納萬象心與天地寬仙人
駕黃鶴飄飄在雲端忻然一相接授我龍虎丹從此換
凡骨高舉成羽翰

悼亡

陰陽麗懸象夫婦正其常易重咸感義禮垂親迎章惜
哉此道埋千載何茫茫我嘗振頽俗委禽導南翔所賴
婉婉姿承宗奉姑嫜貞操永自持冰玉照耿光淑德諒
有容蘭蕙含芬芳明珠忽墮手千金亦垂堂復此孤鳳
飛哀鳴求其凰眷然息嘉樹藹藹孫枝長

題薛夫人馬氏死節卷後

國初時彰德薛氏婦馬香既適薛而香母復
奪之將改適馬香義弗辱而重違命迺自沉

于井時人哀之

至堅不為磷純白不受緇幽幽秉貞女苦行良可哀結
髮事君子翼翼崇令儀歡愛未渠央中道忽乖違破鏡
不復圓孤鸞有餘悲誓將百歲後夜臺可同歸一身不
再醮一冠止雙綏天胡不諒人石轉心不移衷情竟誰
語勁節終自持身落井底泉魂逐秋雲飛聖朝重名節
王化實所基誰能采遺風上奏白玉墀肅肅昭令德煌
煌表清輝溥風諒能返何庸嘆澆漓

失題

芳洲亦云夕薄言擷蘭荃悠悠無與贈脉脉空自憐美人洵且都為加一笑媽知已古所重欲報日縻捐未省
婉婉姿可復成春妍悲哉爨下桐猶為朱絲絃

欽定四庫全書

宛陵羣英集卷三

元汪澤民張師愚同編

古體 七言

宋

林宗放

案宗放字問禮淳熙丁未舉進士授廣州通判乞祠致仕自號拙菴老人

題韓任道寓軒

坤作基天作宇架以虹霓鼇作柱入窻秦雲連楚雨六合為鄰誰障堵試問繩床供仰俯是處江山子作主雲

夢胸中著千古明月清風左右取客來問君此為寓莫
遣漆園漫無據

錢倅生日

煌煌我宋開鼇極坐攬輿圖朝列辟玉帛爭先萬國趨
吳越歸心天下一聖神論報天與同富貴不獨昌其躬
建隆以來二百載是家與國方延洪三光五嶽誰言裂
秀氣依然貫吳越荀家苗裔何多龍蕭氏衣冠知幾葉
賢王忠孝橫古今文采到公仍映人一段清冰出秋壑

笑言滿腹多精神
胃中色絲經緯密
華袞政須煩黼黻
會看玄髮映貂蟬
豈久銀章佩朱紱
轉頭玉樹森琳琅
渥洼之種俱顛昂
斑斑久矣伏藝苑
秋風忽起催騰驤
黃金鑄印大如斗
世世纍纍還繫肘
笑摩銅狄向他年
頗記淮山風月否

劇暑不可耐
戲作冷語排之
呈國威同舍兄

雲師怒挾風
伯狂排山
立海恣披猖
斯須委雪一丈強
殺氣吞日埋扶桑
平時身熱號炎荒

原註身熱山見西域傳

冰山

亦復連穹蒼翔風健兒材武良墮指十五半在亡巖谷
不問殲虎狼凍合瀛海蛟龍僵蒼生似落冰蠶鄉一氣
如縷何可長翻思蹈火勇赴湯誰能排雲挈太陽稍與
萬物回精光客來徵此疑荒唐烏有先生投予方端居
炎赫汗反漿試想幻境生清涼

潘從大

疎齋以舊作題淵明歸來圖詩見贈依韻奉和
公歸豈為三逕松取節荆軻讎祖龍平生大義要其終

遁身甘混田舍翁肯隨一世皆尚同言言易水詩見志
撫卷陡覺辭深雄誰知筆補造化功寓懷麴蘖匪昏醉
孤忠耿耿蟠心習紆轡幾許塵埃中柴桑不與車馬通
八表同昏雨濛濛日行天西復東當年榮木隨時窮
黃花今猶傲秋風拜公遺像讀公傳眼高千載為之空
疎齋用前韻記響山之遊依韻奉答

空山在昔森萬松兩賢曾此登虬龍流風餘韻無時終
我來寒棲鬢成翁人生出處何心同夢破邯鄲幾富貴

戰退蠻觸相長雄靜定要與山爭功繡衣光華照巖壑
豁然納我雲夢胃羣峯飛翠匏樽中仙源還有漁舟通
須臾烟霏散空濛樓觀隱約孤城東感慨千古思無窮
嘯歌抵掌生英風黃金易求此樂少野人何計算瓢空

李兼

秋扇行

憶當九夏初恒御君王手西風颯然至持用焉能久人
情易變如三秋君恩覆水不可收藉使涼飈奪炎熱感

隕此身終不絕

題冀缺圖

耕夫自立苗且耘
饒婦相敬禮如賓
畫工貌出態閒暇
不是如今愚野人
古之農者蓋如此
饒彼公田同婦子
山林自信有真樂
隱逸傳中無姓字
吾不能走馬章臺
街畫眉狼籍貽譏
諧又不能賣酒臨
邛市奔妻萬古不
滅恥遺風後世豈
無存半在東阡烟
雨村不見杵臼梁
家婦猶能親舉案
前殮

劉有慶

案有慶字元長平江書院山長本蜀郡人初仕南陵主簿遂家焉後官至翰林待詔

號損齋子

銛元進士

效長吉體

窮廬夜雪沒駝脊黃沙號風冰結石燕姬二八髻垂漆
柔荑斜抱瑩篴立老羌踏歌歌勅勒黃金流星酒杯窄
紅氍毹暖春雲濕縷金團衣猩血滴玉釵醉滑鶻絃急
角聲滿空霜裂骨十萬穉君掩襟泣

元

王翊龍

煎茶

春霆發蕾抽新馥推吏窮搜不容粟是誰千金收寸芽
烹鼎車聲繞斜谷白雲飄落甘露椀清風吹破玉川屋
平生此腹負將軍空攬十年燈火讀

熊不易

贊趙小山

憶昔初年遊汗漫東南僅歷天之半腰纏騎鶴上揚州

意氣江山多壯觀如今天下混一家東際北海西流沙
翻令奇士盡羈紲而不食吾匏瓜詩裏澄江尋謝朓
十年欽崎誠可笑首陽有蕨不可食泌之洋洋飢不樂
床頭迤邐銷黃金交遊散盡無知心豈無樵耕與漁釣
屠沽賈販力不任安能坐受溝壑辱忍死終抱荆山玉
何須不著鵝鷄冠奚可無充饑鼠腹君不見新豐市上
窮馬周當時未遇空悠悠一朝際會得其所青雲萬里
開驂騑我同涸轍急升斗滔滔之人誰援手汝陽天人

好事者未知有意憐才否

王圭

案圭字敬仲與弟璋並以詩名嘗與四明戴表元帥初吳郡郭麟孫祥卿倡和尤工五言

送三山陳兄北遊

有眼當讀萬卷書有足當涉萬里塗男兒墮地四方志
安事一室如枯株君不見周南太史氏又不見西蜀杜
陵叟平生足跡半天下身後文章粲星斗陳生七閩士
幾歲雙谿遊今茲忽言別結束趨并幽幽并雄俊地慷
慨餘風流千金市駿難復見豈為當代無驪駒君家元

龍百尺樓英姿爽氣傾曹劉紆金拖紫何足道勗爾志業追前修

和姚竹居按察賦木犀古韻

秋林風露摧老物獨為天香破金粟空庭弄影月參差
想見當年羽衣曲霜臺詩老清不貧高齋宴坐花為賓
芳蕤互映金碧麗正色不假鉛丹勻忘言對此心為寫
笑摘繁英呼伯雅不須重續小山詞自有公詩敵瓊宇

王璋

胡園即事次韻

彤霞剪錦蘭為薰東君不知花笑春
燭龍銜珠失午夜
珊瑚琢簪明翠巾
玉堂詩老真天人
綵筆搖風花作賓
人間譜作看花曲
六丁攝取仙官嗔

送阮可大赴銓

紫霜裘好宛馬肥
琢瓊為帶羗角觴
路傍借問誰氏子
是我昔年同學兒
君家儒科有衣鉢
伯仲舅甥名翕赫
文章都似庾蘭成
意氣盡如王景畧
驂騑作駒放遠遊

封胡羯末渠同流清時用人貴少壯看君談笑取封侯
虎頭食肉事良淺廊廟之度要凝遠竹林異日出橫枝
江左陳留同一阮

寄題戴帥初苕霅亭

榆林衆山如仰瓢一峯特起青苕霅幽人丰標有如此
結亭政用山相招俯窺倒影壓滄海仰眩絕頂撐青霄
雲開孤峨湘女髻月出時聞王子簫瀛洲方壺若可巢
虎豹舔舐魚龍驕不如取山著几案千霞百靄供昏朝

主人經營莫辭勞青山得君應更高君不見峴山湛輩
未足數鍾山周顒翻見嘲恨儂不為亭上客擊節為爾
山中謠歸當著書持寄似坐對長令人意消

汪鏊

松間曲

松月澹澹松風微松枝鬱鬱松花飛松闌半掩松四圍
松下美人歸不歸巢松有鶴舊相識斲松有苓飢可食
空山四寂松無聲長吟獨坐松間石

梅德明

寧國路別駕禱雨有應

亢陽為灾魃為虐草木焦枯金石鑠遂令畎畝飛炎埃
自春徂夏失東作我侯閑雨念黎氓憂心如惓禱百靈
斬鵞擊蜚駿奔走窮呼昊天曾莫聽濃澍之潭深不測
下有神龍蟠窟宅鐵符纔沉雲氣黑甘雨一注甦萬物
雨餘膏乳平欲流農夫欣欣翠滿疇行當泚筆書大有
神功總歸作霖手

胡寬

贈別秦中趙廷瑞

我乃楚狂爾秦俠相看白髮照紅頰
文章未獻長楊宮羽騎曾校驪山獵
掉臂東游亦壯哉高登黃金之古臺
馬如龍兮車流水昔賢往矣今人來
爾彈劍鋏我起舞寒風纏雲散復聚
誓當橫戈取封侯何事腰刀思刺虎
平生此別徒離憂鴻飛冥冥天地秋
孤帆萬里向江上有才莫過鸚鵡洲
有句莫題黃鶴樓

九日年成父先生領諸生過樊廬分韻得白字
少壯粗豪那可得老大悲傷復何益平生謀事不如人
近日有家猶是客慕歸似病山水淫習懶久成書傳癖
二頃難求李子田一區粗卜揚雄宅門臨雪浪細翻漚
窻瞰烟嵐高卷碧種花蔣竹記春秋酌酒調絃送昕夕
妻孥績紡賴分燈童稚耕耘長挾冊固知無術競錐刀
寧計有餘儲擔石絕交久矣戶張羅辟地胡為庭墮馬
一翁矍鑠偏眼青羣從風流盡眉白或為奇翼縱雲霄

或為駿足辭羈軌維時秋日稍休豫顧我農人及閒隙
經丘尋壑不憚勞探賸談玄聊自適松根淪茗涼風吹
花底開尊青藥拆黃雞素鯉旋烹魚園甲溪毛從采摘
祇慚空乏奉供需但喜綢繆慰離隔雄豪往往化虛空
名勝紛紛寄陳迹土花蕭瑟暗銅臺野燹青熒迷梓澤
浮雲富貴勿興哀過箭光陰當共惜今辰行樂闕題詩
留與山房重金壁

潘泰之

月中桂

碧桃漫承天上露，白榆漫閱星河曙。何如桂樹姮娥家，
瑤臺玉宇相依據。托根泰初鴻濛前天巧，那容世人覩。
涼風挾秋入清夢，恍騎素鳳凌空翥。徑度銀河入廣寒，
羽衣霓裳紛在御。羣仙接手參翺翔，沆瀣可餐英可茹。
冰輪千里影扶疎，靈柯萬古誰能鋸。吳剛操斧竟何為，
却說對策高自譽。癡蟠腹飽金粟老，兔襲芳正蹲踞。
身在清虛樂未央，玉殿香風自來去。翻憐楚客山之幽。

空嘆淹留歲之除
高吟倚樹不成眠
俯視塵寰渺何處
胡晉

慈姥山新開至治河

大江東馳瀉寒碧
岸束碕盤相蕩射
掀騰勃怒走吳津
慈姥橫來抗勅敵
雄磯虎踞當銳衝
猛浪鯨驅擣堅壁
洄波亂石吐復吞
犀伏蟆浮惡難測
懋遷商旅繁貨貲
百死求生脫咽嗔
擊鼉節號羣挽牽
分寸躋攀萬牛力
抵巇失勢窘莫支
巨舸稠人紛破溺
空聞千古嗟地險

誰與設謀逃鬼域使君臨郡知為政幕府賓僚贊奇畫
轉山取道鑿新河舂鉞雲從歡服役常時劈箭上驚湍
忽見澄流布平席楚帆越棹積如林米市酒壚行可緝
河名至治應記年五馬觀遊賓彥集洞開天門瀉清風
催喚娥眉添黛色舉觴相屬樂功成變易安危在咫尺
連艘大賈恩入骨弭楫舟師手加額願公紳笏居廟堂
坐使邦家固磐石

和子仁弟韻解墜馬之嘲

東家生騎驄鬣綠畫草障泥紅軟褥郎君個儻許借乘
過都捷足愁人簇吟鞭快意忽駿奔辟易兒童驚欲哭
兩蹄凸出首昂烏奮迅欲將飛電逐鼻尖熾火耳生風
目眩青山那暇矚竦身春浪透桃花不學謫仙山倒玉
笑聽溪禽脫袴聲繫維今夕留空谷誇豪試險皆爾為
歎段安行宜我獨

汪珍

猛虎詩

猛虎猛虎前日食一豚今日食一牯豚以備賓客之乾
豆粘以充宗廟之鼎脯汝虎食之奈何許山間亦有採
樵夫朝來暮去不汝虞乃知汝虎是仁獸豚粘縱傷何
足吁

謹齋夏總管禱雨有應次呂周翰路教韻

鼇山插天何穹穹雙溪下與滄溟通使君夕禱雨晨注
東阡西陌禾蓬蓬宣城今號賢太守老我何憂肘生柳
須晴即晴雨即雨神意與人同可否歸田願作宣城民

宣城使君真可人

楊倅照亭禱雨獲龍湫隨感而應汪子潛用龍

溪先生韻以美之余亦次韻

古湫靈物韜神光燭龍奮迅箕畢行天瓢憑空澤下土
炎歊一轉成清涼帝愁雨師不終惠更敕六馭馳阿香
活枯起朽在指顧傾河倒海無留藏使君妙得感應理
政績不減漁陽張愛民如子寬猛濟仁同春日威如霜

贈中山琴士焦茂卿

中山處士家軒轅譜法傳自軒丘仙
世人有耳但聽箏
與笛何曾識君指下絃為我彈高山
天台泰華高連天
孤猿抱樹叫寒日蒼崖疊壁藏飛烟
為我彈流水黃河
到海深無邊驚風湧波魚出壑疾雷起
陸龍騰淵高山
流水兩絕唱坐客不語心惺然花間窈窕轉
春鳥葉底
幽咽吟秋蟬琅璈瓊珮下寥廓盤車礙石行
回旋關雎
汝墳不作其久矣黍離麥秀荒芊芊鈞天夢斷古意絕
城郭雖是人民遷丹丘何處有瑤草辨取布襪青行纏

相逢可惜俱是客何時弄月梅花前

友雲弟登石井遇雪因宿山中明日寄此詩代

簡

兩山屈曲盤蒼龍一溪縈紆行玉虹行人竟日溪山中
煙綃雲錦開屏風夜來雪脚鳴修竹虎跡泥深君且宿
歸來莫厭繭生足袖有芙蓉三十六

題牧牛圖呈楊縣尹澤民

春陰濛濛雨颼颼南村北村啼鵲鳩陽坡雨足百草柔

老奴挾筆行且謳早穀播耜未下疇勸農使者行令道
築塲待汝輸糧猴汝牛力作何時休

秋

西風蕭蕭羣木槁天外秋雲淨如掃豆葉半枯鴻雁來
杭稻俱登雞鶩飽白露夜下天雨霜破籬衰草啼寒螿
芋魁如盎茭白老床頭酒熟浮蛆香

題九馬圖

原註燕五峯
參政所藏

穆王八駿日千里曹霸九馬天騏驎余吾渥洼誰寫真

歷塊過都俱絕世風低草軟沙綿綿清江平楚開晴川
御人釋轡閒且嚴神超意會馴不鞭耳錐卓立目鏡圓
奇膺聳岳駿連錢朝刷荆吳暮幽燕三十六蹄削鐵堅
何為飲秣來江邊毋乃偃武銷戈鋌一匹俛頸呼不旋
一匹渴赴清流淵垂纓照影若自愛意豈尚憶天山泉
其餘七馬各殊俊白駒獅子毛皆拳長稽短豆棄若土
漢南首宿青連天不如菰蔣荒平田飢烏落雁相後先
錦鞍玉勒紅繡韉何當蹴踏長楸前驚溪一幅分精妍

雄姿逸德皆天全江都韋諷世不數皮肉雖在意莫傳
豈惟駑駘不足騁筆端炯炯房精懸王良伯樂逢何年
九馬奚啻一敵千

題江少府枯木蒼石圖

髯奴渴飲三斗墨吐作槎枒千歲石石間老樹相膠枝
枯皮蝕盡蒼苔色我家昔住山南村老樹蓋屋石對門
見君此圖發深省明日還山尋故園

仙人石

仙人跨鶴歸蓬萊空遺老石封蒼苔秦皇鞭汝偶見脫
劫火變盡昆明灰青山萬古復萬古此石年年立江滸
須防叱起化為羊還被仙人騎汝去

孫逸夫書堂作

青山盤盤雲氣度岡巒滅沒互吞吐柘林烟潤繭行絲
荷蕩水香魚弄絮人間化物日夜流先生閉門雙鬢秋
大隱從來著朝市幽居况近城南樓

疎齋先生賦湖陰曲書以為贈予遂賦一首

一虎穴中臥六龍江上飛蛇矛半折析聲斷畫夢驚怪
日遶圍鼓聲逢逢天四黑五騎爬沙行不及道旁遺矢
冷于冰天上寶鞭人未識江風夜捲湖陰水明日腥氛
當一洗荒亭千古寄興亡目斷蒼煙濕衰葦

何致中

案致中字鶴齡
號華陽山人

次韻建平謝伯賢寄所詠錢舜舉畫馬詩卷

沙平霜乾首宿葉雲隔天開風漸瀝麟駒絕塵不可見
試展畫絹臨雪壁老錢著色筆勢雄信手掃出連錢驄

駿骨一洗羣馬空龍媒可是生崆峒世上豈無如此馬
大半困厄鹽車下縱使伯樂今猶存一顧千金誰著價
伯時此藝尤其精後來改畫旃檀身勸君按圖休索驥
吟卷墨花香奕世

貢奎

除日登大巖山

大巖顯顯昂衆峯長年色秀摩蒼穹中峯獨高勢若雄
支牽脉貫相附庸朝賓大明滄海東巒岫勃鬱凝青紅

懸崖萬仞寒潭空下有晴雲生喬松形勞膽怯望莫窮
但覺一氣浮鴻濛松推雪凍藏蟄龍峯巔鎮以龍王宮
擁潭出雲如白虹妖魃却走年穰豐南村北崦篁樹叢
喧招巫覡撾鼓鐘苔荒怪石低復崇嵌空欲墮疑神功
直者覆釜橫列壩森布兵戟羅羣童盤迴絕頂路杳通
攀藤舉膝撐心胃嗟予北游覽岱宗大行西來連華嵩
浮生萬里隨飛蓬夢寐豈與當時同虎行草偃吹烈風
苦寒側翅號冥鴻麻姑敬亭知幾重李謝空復遺塵蹤

悲來狂呼赤鯁公五湖烟波駕歸蓬

題風林牧馬圖

春沙碧草如雲起
廝官牧馬垂楊底
趙侯落筆有天機
神光咫尺藏千里
渥洼龍媒空復奇
至性却愛人間羈
嗚呼伯樂亦已往
淒涼自足傳真賞

送酈肖梅道士歸三茅

人間六月火雲熱
川魚深逝飛鳥絕
坐念君歸不可留
明日沙頭當送別
詩人磊落唾成珠
酒酣惆悵歌擊節

南湖鼓棹時乘風曉起披襟夜延月從今此樂誰復同
回首故人須共說落木蕭蕭鴻雁征我將攜硯遊東越
相思應許夢魂飛萬里三茅蒼翠色

張師愚

贈散牛逸人

連山新綠春風前爾牛來往無人牽何曾服箱勤畝畝
終年蕭散全其天飢食芳蓀渴飲水鳴聲滿脰黃鍾起
爾心有樂那得知山中逸人能了此莊周不願為犧牛

弘景獻畫辭公侯古來賢達厭物繫底須文繡金龍頭
芻茭無儲歲將暮問牛可為牛不語操鞭牽鼻三十年
却笑為山看水牯

送韓默齋

去年江邊君送客春洲兩岸楊花白今年湖上我送君
飄飄秋風吹白蘋芒鞋竹杖直屬我功名合讓年少人
千山萬山煙樹碧酒盡清歌為君發斜陽回首敬亭遙
明月懷人楚天闊驅車道路寧辭勞黃金臺上須時豪

會看鯤鵬起霄漢下視斥鷃猶蓬蒿

陳萬鈞

案萬鈞字公茂一字衡甫

和韓廷玉夜過采石韻

江烟靡靡江月黑寒光照耀玻璃色當年江上錦袍人
騎鯨一去無消息天生此境絕險艱驚湍九道奔空山
今宵波平浪如砥舟行恍若圖畫間欲問燃犀是何處
漁父鳴榔隔烟霧羨渠鷗鷺獨忘機占盡滄浪自來去

王虎臣

案虎臣字子山璋之子仕於潛教諭

題段德卿舟亭歌

君不見伏波功臣萬里旋歸來
蒼茫遭讒言壺頭晚困
始憶少游語中流仰嘆看飛鳶
又不見范蠡扁舟載西
子急流勇退如避死當年懷寵
不見機詎忍將身嘗烏
喙兩翁功名尚如此餘子紛紛
何足據段生樂道心自
閒有眼不識行路難舟亭無颿
亦無櫂風雨不動安如
山知君市隱心似鐵含哺熙熙
足怡悅任渠風浪欲掀
天我獨推蓬看明月

題古硯

阮受益所藏古硯篆文有羽陽千歲字蓋秦
穆宮瓦也

洛波沉鼎周姬衰秦嬴義勇歌無衣戎車虎帥雄西陲
羽陽宮殿雲崔嵬孟明骨化蹇叔死三良殉穆秦民悲
西風一夜飄宮瓦鴛鴦飛墜秦臺下千年鳥跡愈分明
故國遺蹤恨難寫何人磨作古陶泓遂使名聲齊玉笋
君不見懸黎結綠人不識刖足君門卞和泣古來義士

苦不遭埋骨泥沙同瓦礫

綵絲行

輸班輪機旋若風吳姬拮据無好容神蠶遭烹不自悔
以死利世功無窮當空一縷如抽雪宛轉紫紆無斷絕
誰知中有長恨端心事從今為君說車聲愈急絲愈永
比妾愁腸猶易盡去年絲成盡入官敝衣不足常苦寒
今年蠶苗猶在紙已向豪家借倉米探湯入緒手欲爛
辛苦無人慰憔悴生平自知妾命薄詎忍將愁訴夫婿

吳綾蜀錦多光輝明朝已上他人機

蠶婦嘆

貧農值年凶終歲常苦飢貧女蠶不收終年廢機絲無
食夫婿事無衣妾心悲終朝掇柔桑日暮心力罷居然
不成繭何以慰我思君不見金谷園中歌舞妾金縷衣
裳自盈筐一朝禍起墮高樓翠袖紅衿如電滅嗟嗟蠶
婦莫憂寒孟光身上衣無完

凌希惠

案希惠字季和宋工
部侍郎榮十一世孫

題良驥圖

千金買駿骨絕足來異域尺素寫龍媒元非按圖索古人觀馬在天機眼中不見黃與驪吾觀畫馬亦相類逸氣橫出驪黃外王君下筆殊可人紫艷一洗凡馬羣朝燕暮越汗流血肯受青絡羈黃塵撫卷懷若人此意知誰識更駕固可竒在德不在力

題太平汪公仲雲松樓

黃山削翠摩層空下視衆岫培塿同丹崖雪竇相掩映

一支北走如翔龍樓居下有隱君子擇幽面勢雕青紅
遂令巖壑千萬態一覽盡在雙眸中白雲輸雨出深谷
蒼松倚壁來清風非徒為人滌煩暑亦且與國成年豐
松聲雲氣入清玩俯欄不覺輕千鍾儒宗珍畫有深意
猿鶴起舞山改容明當登高為君賦寫我魂魄平生曾

